

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri.**

**Imm .02 Siulittaasup nalunaarutaa.**

**Aningaasaqarnermut tunngasut**

**Imm. 03 Balance-t.**

**Suliassat nalinginnaasut**

**Imm. 04 Katersortarfiup igaffiani ruujorit qaartoorsimasut taarserneqarnerannut akiligasamut tapiiffigineqarnissamik qinnuteqaat.**

**Imm. 05 Josef Lund Josefsen & Jim Milne ”Upernaap aasallu nipaa” qulequtaralugu Kangaamiunut tusarnaartitsiartornissamut tapiiffigineqarnissamik qinnuteqaataa.**

**Imm. 06 Aappaagu qinersinissamut Nunaqarfimmi aqutsiveqarfiit pillugit tusarniaassut.**

**Imm. 07 Ukioq 2017-mi Ilagii Sinniisaannut qinersinissamut tusarniaassut.**

**Imm. 08 Meeqqat ukiortaarsiorneqarnissaannut qinnuteqaat.**

**Imm. 09 2017-mi ataatsimiiffissat ullulerneqarneri.**

**Paasissutissiissutit/Ilisimatitsissutit**

**Imm. 10 Paasissutissiissutit/Ilisimatitsissutit**

**Imm. 11 Tamalaat.**



Ataatsimiinneq aallartippoq nal:13:00

*Peqataasut:*

*Atassut*

Tønnes Kreutzmann  
Albrichtine Lyngé

*Siumut*

Barnabas Larsen

*Nalunaaruteqarlutik peqataanngitsut:*

*Nalunaaruteqaratikpeqataanngitsut*



**Imm. 01 Oqaluuserisassat akuersissutigineri**

**Aalajangiineq**

Akuersissutigineqarput



**Imm. 02 Siulittaasup nalunaarutai.**

Ilanngussaq 1.  
Siulittaasup nalunaarutai.

**Aalajangiineq**

Akuersissutigineqarput



**Imm. 03    Balance-t.**

Maleruagassatigut tunngavissat.

Karseqarnermut ilanngussa 1.

Balance-t.

Karseqarnikkut Qeqqata Kommunia-ta maleruagassaa.

**Innersuussut**

Allaffeqarfiup innersussutigaa, ilaasortanit tusaatitut tiguneqassasoq.

**Aalajangiineq**

Tusaatissatut tiguneqarput



**Imm. 04. Katersortarfiup igaffiani ruujorit qaartoorsimasut taarserneqarnerannut akiligasamut tapiiffigineqarnissamik qinnuteqaat.**

*J.nr: 59.00*

Tunuliaqutaq:

Allagaqarlutik saaffiginnittut Kangaamiuni “Katersortarfik”-up siulersuisui, oqaluuserisassaq nunaqarfimmi aqutsisut siulittaasuanit Tønnes Kreutzmann-nimit akuersissutigineqarpoq. Ulloq 28. Juni 2016 naqissuserneqarlutik allagaqatit katersortarfiup siulersuisui kiassaatiq erngullu aqquataasa iluarsaanneqarnerannut ruujorilerisumut Christian Novack-imut akiligassaq 14.258,00 kr-nik annertussuseqartut qinnuteqaataapput.

Pissutsit atuuttut:

Piffissami sivisuumi katersortarfik imeqarsimangilaq pissutigalugu ukioq issileruttornerani kiassaatiq orsuerunneratigut erngup aqquatai qaartoorsimammata. Katersortarfimmi atuisartut peqatigiiffiillu piffissami kingullermi naammagittaalliuteqartarsimapput imeqannginnera pissutigalugu katersortarfik asanneqartanninnami iseruminaallunilu silaannaluttarnera.

Aningaasaqarnikkut allaffissornikkullu kingunerisinnaasai

Konto: 1820603501 ulloq 09.December 2016 ima annertutigisunik imaqarpoq: 1.000,00 kroner.

Allaffeqarfiup naliliinera:

Allaffeqarfik isumaqarpoq katersortarfiup kiassaataa erngullu aqquataat iluarsaanneqarsimanerat ajunngitsuusoq.

**Innersuussut**

Allaffeqarfiup innersuussutigaa nunaqarfimmi aqutsisut eqqartorlugu aalajangiissasut.

**Aalajangiineq**

Konto 1820603501 atorlugu Faktura akilerneqarnissaa akuersissutigineqarpoq.

Primo –tut akilerneqassaaq.



**Imm.05 Josef Lund Josefsen & Jim Milne "Upernaap aasallu nipaa" qulequtaralugu Kangaamiunut tusarnaartitsiartornissamut 24.000,00 kr-nik tapiiffigineqarnissamik qinnuteqaataa.**

*J.nr.*

Tunuliaqutaq:

Allagaqarlutik saaffiginnittut Josef Lund Josefsen kiisalu Jim Milne, oqaluserisassatut siuluttaasup Tønnes Kreutzmann-ip akuersissutigaa.

Josef Lund Josefsen Jim Milne peqatigalugu sinerissami 10. Juni 2017 aallartittumik tusarnaartitsisaqattaarnissamut Kangaamiut tikinneqassappata aggersinnaanermik tuniniaalluni 24.000,00 kr-nik neqorooruteqarpoq.

Angalaneq kisimi tuniniarneqarpoq ilisimatitsissutigineqarlunili ineqarnissamut tusarnaartitsivissamullu tunngasut Nunaqarfimmi aqutsisut isumagisinnaagaat. Aaqquissuussinissaq anguniarlugu 18. November akissuteqareersimanissaq kissaatigineqarpoq.

Pissutsit atuuttut:

Siusinnerusukkut Josef Lund Josefsen Ida Heinrich peqatigalugu tusarnaartitsinissamik neqerooruteqartarnikuuvoq akisuallaarneralu pissutigalugu akuerineqartarsimanani.

Aningaasaqarnikkut allaffissornikkullu kingunerisinnaasai

Konto: 1820603501 ulloq 09.December 2016 ima annertutigisunik imaqarpoq: 1.000,00 kroner. Saaffiginnissulli ukioq 2017-mut tunngasuummat isummerfigeqqinneqassaaq.

Allaffeqarfiup naliliinera:

Allaffeqarfik isumaqarpoq,qinnuteqaat ukioq 2017-mut tunngasuummat ukiup tulliani aalajangiisoqaqqinnissaa allaffeqarfiup nalilerpaa.

**Innersuussut**

Allaffeqarfiup innersuussutigaa, Ukiup tullissaanut tunngasuummat akuersissutigineqassasoq.

**Aalajangiineq**

Akuerineqarpoq.

Primo-tut akilerneqassaaq.



**Imm. 06 Aappagumut qinersinissamut Nunaqarfimmi aqutsiveqarfiit pillugit tusarniaassut**

*Jr.nr.*

Tunuliaqutaq:

Atorfillit pisortaanniit nunaqarfimmi aqutsisunut tusarniaassut allagaq ullulerneqarsimasoq 25.November 2016.

Maleruagassatigut tunngavissat.

Kommunit aquneqarnerat pillugu Inatsisartut inatsisaat nr.22, 18 november 2010-meersoq §51

Pissutsit atuuttut.

*”§ 51. Nunaqarfimmi aqutsisussanik ataatsimoorussanik minnerpaamik Kommunip iluani nunaqarfiit marluk peqataaffigisaannik qinersisoqartassaaq. Kommunalbestyrelsip aalajangersassavaa nunaqarfiit sorliit atatsimoorussaminnik aqutsisoqartinneqassanersut, aammalu pingasunik tallimanilluunniit ilaasortaqaassanersut. Aalajangerneq pissaaq ukioq nunaqarfimmi aqutsisunik ataatsimoorussanik qinersiviususaaq sioqqullugu ukiup naannginnerani.”*

Tamanna pillugu nunaqarfimmi aqutsisut tusarniarneqarput ullumikkutut aaqqissuussaaneq attatiinnarneqassanersooq ima isikkulimmik:

Ataatsimoorussami nunaqarfimmi aqutsisoqartut  
Atammik/Napasoq tallimanik (5) ilaasortaqaarnissaa aamma Sarfannguit/Itilleq tallimanik (5) ilaasortaqaarnissaa.

Kangaamiut nunaqarfimmi aqutsisut pingasunik (3) ilaasortaqaarnissaa, Kangerlussuaq nunaqarfimmi aqutsisut pingasunik (3) ilaasortaqaarnissaa.

**Innersuussut**

Allaffeqarfiup innersuussutigaa, tusarniut ilaasortat oqallisigalugu aalajangiissasut.

**Aalajangiineq.**

Akuersaarlugu tusaatissatut tiguneqarpoq.





**Imm. 07 Ukioq 2017-mi Ilagiit Sinniisaannut qinersinissamut tusarniaassut.**

*J.nr.*

Tunuliaqutaq:

Atorfillit pisortaannit nunaqarfimmi aqutsisunut tusarniaassut allagaq ullulerneqarsimasoq 8.December 2016.

Maleruagasaatigut tunngavissat:

*Kommunalbestyrelsinut, nunaqarfimmi aqutsisunut, ilagiillu sinniisaannut qinersisarnerit pillugit Inatsisartut inatsisaanni nr.x.x.xx 201x-imeersoq § 70 imm.1. naapertorlugu biskoppi tusarniaavigereerlugu aalajangersarneqarput.*

*Ilagiit sinniisaannut qinersineq.*

*§ 1. Qinersivinni tulliuttuni ilagiit sinniisaat nalunaarneqartutut amerlassusillit qinerneqassapput.*

Pissutsit atuuttut:

Qinersivik Kangaamiut qinigaaffimmi kingullermi tallimat (5) qinigaapput, massakkullu pingasuupput (3) ataaseq sulingiffeqarpoq, ataaserlu aallarnikuulluni.

**Innersuussut**

Allaffeqarfiup innersuussutigaa, tusarniaassut oqallisigineqassasoq.

**Aalajangiineq**

Tusarniaassummut akissutigineqassaaq Ilagiit Sinniisaat 5-maaginnassasut.

Tusarniaassummi Kangaamiuni 4-nk allaqqagaluartuq.



**Imm. 08 Meeqqat ukiortaarsiorneqarnissaannut qinnuteqaat.**

*J.nr.*

Tunuliaqutaq:

Sunngiffimmi ataqatigiissarisut allagaqarlutik qinnuteqaataat siulittaasoq Tønnes Kreutzmann-imit oqaluuserisassatut akuersissutigineqarpoq.

Pissutsit atuuttut:

Meeqqat ukiortaarsiortinneqartarput ukioq nutaaq aallartisimaleraangat pisarnertut meeqqat kikkuugaluarnersut tamaasa ukiortaarsiortinneqarnissaannut qinnuteqartoqarpoq.

Aningaasatigut allaffissornikkullu kingunerisinnaasai:

Aningaasanut tunngasoq ulloq 9.December 2016 Konto 1820603501 imaqarpoq: 1.000,00 kroner

**Innersuussut**

Allaffeqarfiup innersuussutigaa, ukioq nutaaq aallartippat pisussaammat kto 1820603501 –miit qinnuteqaat akuersissutigineqassasoq.

**Aalajangiineq**

Barnabas Larsen ataatsimiinnermit anigallarpoq.

Akuersissutigineqarpoq.

**Imm. 09 2017-mi ataatsimiiffissat ullulerneqarneri.**

Pissutsit atuuttut:

Ukiut tamaasa ullut ataatsimiiffissat inississorneqartarput ukioq 2017-milu qinersisoqartussaamera pissutigalugu Januar-Februar-Marts 2017 kisimik ulluliiffigineqartussaallutik.

Ilanngussaq:  
Bilag.1.

**Aalajangiineq**

1. 18.Januar 2017
2. 15.Februar 2017
3. 15.Marts 2017

Ulluliiffigineqarput.



**Imm. 10 Paasissutissiissutit/Ilisimatitsissutit**

1. Nunaqarfimmi tusarnaartitsisoqartillugu aaqqissuussisartut pillugit allakkamut akissut
2. Kangaamiuni Erinarsoqatigiit tapiiffigineqarnissamik qinnuteqarneranni qujassut CD tunissut pillugu.
3. Juullerpalaartitsinissamut aningaasanik qinnuteqaat.
4. Kangaamiut Atuarfianni siulersuisut ataatsimiinneranni imaqarniliaq ulloq 7/12/2016
5. Kangaamiuni eqqaassussineq pillugu allagaqaat/Teknikkeqarfimmut
6. Pitsaaliuinermi ataatsimiititaliap ataatsimiinnerani imaqarniliaq ulloq 8/12-2016
7. Allaffiup pisortaata nalunaarutaa qaammat November 2016
8. Nunaqarfimmi aqutsisut ataatsimiinnerani imaqarniliaq ulloq 23/11/2016.

**Aalajangiineq**

2-mut tunngatillugu ”Kangaamiuni Erinarsoqatigiit” –nait qujassuteqarput.



**Imm. 11 Tamalaat**



*Nunaqarfimmi aqutsisut ileqqusumik ataatsimiinnerat.*  
*14. Dec. 2016 - Nal:13:00*

Ataatsimiinneq naammassivoq nal: 13:55

